

ԱՐՁԱՆԱԳՐՈՒԹՅՈՒՆ ԹԻՎ 1

Հայաստանի Հանրապետության Արագածոտնի մարզպետարանում 10.02.2015թ տեղի ունեցած մարզխորհրդի նիստի

Մասնակցում էին

- Ա.Երիցյան ՀՀ ՏԿԱԻ նախարար
Ս.Սահակյան ՀՀ Արագածոտնի մարզպետ
Կ.Իսախանյան ՀՀ ՏԿԱԻ փոխնախարար
Հ.Մխիթարյան ՀՀ ՏԿԱԻ փոխնախարար
Դ.Կարապետյան ՀՀ ՏԿԱԻ փոխնախարար
Գ.Գրիգորյան ՀՀ ոստիկանության մարզային վարչության պետ
Ս.Ազարյան ՀՀ ՏԿԱԻ նախարարության փրկարար ծառայության տնօրեն, գեներալ-լեյտենանտ
Ն.Գրիգորյան ՀՀ ՏԿԱԻ նախարարության փրկարար ծառայության տնօրենի տեղակալ, գեներալ-մայոր
Ն. Մովսիսյան մարզպետի տեղակալ
Մ Աբգարյան մարզպետի տեղակալ
Հ.Գևորգյան մարզպետարանի աշխատակազմի ղեկավար
ՀՀ Արագածոտնի մարզի համայնքների ղեկավարներ
ՀՀ Արագածոտնի մարզպետարանի աշխատակազմի կառուցվածքային ստորաբաժանումների ղեկավարներ
Հ.Գալստյան ՀՀ ՏԿԱԻՆ վարչության պետ
Ծ.Վարդանյան ՀՀ առողջապահության նախարարության բժշկական օգնության քաղաքականության պետ
Ա.Մանուկյան ՀՀ ԱԻՆ Արագածոտնի փրկարարական վարչության պետ
ՀՀ Արագածոտնի մարզի ԲԿ ղեկավարներ

Օ Ր Ա Կ Ա Ր Գ

ՀՀ Արագածոտնի մարզի խորհրդի նիստի

10.02.2015թ.

ժ. 11.00

1. Գաղնան գյուղատնտեսական աշխատանքների նախապատրաստման և կազմակերպման մասին /զեկ.՝ մարզպետարանի աշխատակազմի գյուղատնտեսության և բնապահպանության վարչության պետ Յու. ԱՋԱՏՅԱՆ/:
2. Մարզի համայնքներում ոռոգման ջրի տրման և սելավատարների մաքրման աշխատանքների նախապատրաստման մասին /զեկ.՝ մարզպետարանի աշխատակազմի գյուղատնտեսության և բնապահպանության վարչության պետ Յու. ԱՋԱՏՅԱՆ/:
3. Մարզի համայնքներում 2014 թվականի իրականացված վարչական վերահսկողության և կադրային գործի վարման ընթացքում հայտնաբերված խախտումների, թերությունների և բացթողումների, դրանց վերացման աշխատանքների մասին /զեկ. մարզպետարանի աշխատակազմի ՏԻ և ՀԳՄՀ վարչության պետ Ս. ՀՈՎՍԵՓՅԱՆ/:

4. 2015 թվականին մարզի համայնքների բյուջեների կազմման գործընթացի, դրանք համապատասխան կայքերում տեղադրելու և հրապարակելու մասին /զեկ. մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Ն. ԳԱԼՍՅԱՆ/:

5. Մարզի համայնքներում խնամակալության և հոգաբարձության հանձնաժողովների գործունեության մասին /զեկ. մարզպետարանի աշխատակազմի ընտանիքի, կանանց և երեխաների իրավունքների պաշտպանության բաժնի պետ՝ Գ. ԴԱՆԻԵԼԱՆ/:

6. Հայտարարություններ

Փետրվարի 10-ին կայացավ Արագածոտնի մարզխորհրդի նիստը: Բացման խոսքով հանդես եկավ Արագածոտնի մարզպետ Ս. Սահակյանը, այնուհետև խոսք տրվեց մարզպետարանի վարչության պետերին և համայնքների ղեկավարներին, որոնք ներկայացրեցին ընթացիկ աշխատանքներն ու մարզում առկա խնդիրները՝ օրակարգի հարցերին համապատասխան:

Մարզպետարանի աշխատակազմի գյուղատնտեսության և բնապահպանության վարչության պետ Յ. Ազատյանը ներկայացրեց մարզի համայնքներում առկա առաջին հրատապության խնդիրները: Նա անդրադարձավ 2014-ին մարզում տեղադրված 5 հակակարկտային կայաններին, խոսեց դրանց արդյունավետության մասին և նախարար Երիցյանին խնդրեց, հնարավորության դեպքում, այս տարի կայանների տեղադրման քանակը հասցնել 20-ի: Մարզի առաջնային խնդիրների շարքում Ազատյանն առանձնացրեց համայնքային մաշված տեխնիկայի վերազինման, ոռոգման համակարգի բարելավման և սելավատարների մաքրման աշխատանքների նախապատրաստման ու կազմակերպման հարցերը: Մարզպետարանի աշխատակիցը շեշտեց, որ Քասախ գետի մաքրման աշխատանքների իրականացման, մի շարք քաղաքների և գյուղական համայնքների պոմպակայանների ու Ապարանի ջրամբարի վերանորոգման դեպքում մեծապես կբարելավվի մի շարք համայնքների ոռոգման համակարգը:

Մարզխորհրդի նիստի ընթացքում իրենց խնդիրներով կիսվեցին նաև մարզի որոշ համայնքների ղեկավարներ: Մասնավորապես՝ Կաթնաղբյուր համայնքի ղեկավարը նշեց, որ միայն տեխնիկական խնդիրների պատճառով համայնքում չի ոռոգվում շուրջ 123 հա հողատարածք: Նա մարզի մի քանի համայնքների ղեկավարների անունից բարձրացրեց գրեթե նույն խնդիրները, որոնք կապված են պոմպակայանների վերանորոգման, գազիֆիկացման, ոռոգման ջրով ապահովման, ամբարտակների ջրատարողության հուսալիության հետ և այլն:

Անդրադառնալով բարձրացված խնդիրներին՝ ՏԿԱԻ նախարար Արմեն Երիցյանը նշեց, որ հանրապետության տարածքում համայնքային խնդիրները գրեթե նույնն են, և մեծ աշխատանք է տարվում այդ խնդիրները շուտափույթ լուծելու ուղղությամբ: «Մենք լինելու ենք բոլոր գյուղերում անխտիր: Ծանոթանալու ենք խնդիրներին հենց տեղում և ձգտելու ենք տեղում լուծում տալ այն հարցերին, որոնք հնարավոր է լուծել այսօր, ավելի երկարաժամկետ լուծում պահանջող հարցերը կկարգավորվեն ժամանակի ընթացքում: Ես անձամբ կզեկուցեմ և՛ նախագահին, և՛ վարչապետին: Լինելու ենք ձեր կողքին, շատ անելիքներ ունենք միասին», - շեշտեց Ա. Երիցյանը:

Նախարարը հանձնարարեց նաև արձարծված հարցերի վերաբերյալ կազմել հստակ

հաշվետվություն, թե ինչ միջոցներ և ինչքան գումար է հարկավոր այդ խնդիրները լուծելու համար:

Մարզպետարանի աշխատակազմի ՏԻ և ՀԳՄՀ վարչության պետ Ս. Հովսեփյանը ներկայացրեց օրակարգի հաջորդ հարցը, որը վերաբերում էր մարզի համայնքներում 2014-ին իրականացված վարչական վերահսկողության և կադրային գործի վարման ընթացքում հայտնաբերված խախտումներին, թերություններին ու բացթողումներին, ինչպես նաև՝ դրանց վերացման աշխատանքներին,:


2015 թ. մարզի համայնքների բյուջեի կազմման գործընթացին անդրադառնալ ֆինանսական և սոցիալ-տնտեսական զարգացման վարչության պետ Ն.Գալստյանը: Նա համայնքների ղեկավարների ուշադրությունը հրավիրեց գնումների գործընթացի կազմակերպման հարցերին և պատրաստակամություն հայտնեց աջակցել գործընթացը ճիշտ կազմակերպելու համար: Ն.Գալստյանը ներկայացրեց նաև հունվար ամսին հարկերի հավաքագրման տվյալները:

Համայնքների խնամակալության և հոգաբարձության հանձնաժողովների գործունեությանն անդրադառնալ մարզպետարանի աշխատակազմի ընտանիքի, կանանց և երեխաների իրավունքների պաշտպանության բաժնի պետ՝ Գ. Դանիելյանը Նա առաջարկեց հանձնաժողովի կազմում ընդգրկել սոցիալական աշխատող-մասնագետներ , հաճախակի այցելել կարիքավոր ընտանիքներին, ուշադրության կենտրոնում պահել դժվար իրավիճակներում հայտնված երեխաներին:

Հայտարարություններով հանդես եկան ՀՀ առողջապահության նախարարության բժշկական օգնության քաղաքականության պետ Ծ.Վարդանյանը, ՀՀ Արագածոտնի մարզպետարանի ֆինանսական և սոցիալ-տնտեսական զարգացման վարչության պետ Ն.Գալստյանը, զորահավաքային նախապատրաստության բաժնի պետ Լ.Գրիգորյանը:

Նիստի ընթացքում բարձրացված հարցերին անդրադառնալ մարզպետ Սարգիս Սահակյանը: Նա նշեց, որ 2014-ը բավական դժվար տարի էր մարզի համայնքների համար, քանի որ գրանցվել են ցրտահարության և կարկտահարության դեպքեր: Մարզպետը հայտնեց, որ համայնքներում արոտավայրերի բարելավման ծրագրերի ընդլայնումը քննարկվել է նաև գյուղատնտեսության նախարարության հետ: Նա հավելեց, որ շատ համայնքներ պատրաստ են նույնիսկ տեղական բյուջեի օգնությամբ լուծել համաֆինանսավորման խնդիրները: Միևնույն ժամանակ, մարզպետը նախարարին ներկայացրեց մարզի սեփական եկամուտների հավաքագրման արդյունավետությունը՝ նշելով, որ համայնքների ղեկավարների հետ համատեղ աշխատանքի արդյունքում այն 2014 թվականին կազմել է ավելի քան 103 %, ինչը աննախադեպ ցուցանիշ է:

Մարզխորհրդի նիստն ավարտվեց նախարար Ա.Երիցյանի ամփոփիչ ելույթով: Ընդհանուր առմամբ դրական գնահատելով մարզպետարանի գործունեությունը՝ նախարարն առաջարկեց շարունակել նույն ոգով և մեծ ուշադրություն դարձնել սահմանամերձ համայնքներին և համայնքային դպրոցների բարելավման աշխատանքներին: Նիստի ընթացքում բարձրացված հարցերի վերաբերյալ Ա.Երիցյանը նշեց ,որ խնդիրների լուծման համար անհրաժեշտ է ներկայացնել առաջարկություններ:

 **Ս.Սահակյան**